

圣武记

圣武记

聖武記卷五

邵陽魏源譏

國朝撫綏西藏記上

上祿育

西藏古吐蕃元明爲烏斯藏其人則謂之唐古特亦曰土伯特

甘谷信

三部曰康卽四川打箭爐外巴塘察太多之地爲前藏

亦曰喀木

曰衛

達拉及大招寺本吐蕃建牙之所今達賴居之爲中藏

布達拉華吉

曰噶

卽札什倫布本拉藏所治今班禪居之爲後藏

札什倫布華吉

又並極

西之阿里則稱四部云北界河源

河源上出回鶻重出于西寧皆與藏地北界相連

南界大金沙江

雅魯藏布江橫亘于三藏之南卽大金沙江上游也

下游由緬甸入南海視岷江上游之小金沙江廣闊數倍或云卽黑水而二藏卽三危其以怒江爲三藏南界者非也

西距雪嶺

雪嶺爲岡底斯山在阿里卽葱嶺之南幹

東西六千餘里南北五千餘里距京師

萬有四千餘里由川陝滇入藏有三路皆先至前藏而後西至中藏又

西至後藏又最西至阿里云在五天竺之東非古佛國也而距天竺較近阿里南二千餘里入額
訥特珂克境則中印度

故經教至多持陀羅尼尤驗多僧無城郭僧居

土臺者皆持戒律不持戒者居土臺外自唐太宗以文成公主下嫁吐

番贊普好佛立寺廟西藏始通於中國元世祖封西番高僧八思巴爲

帝師大寶法王以領其地後嗣世襲其號而西藏始爲釋教宗主

元史
釋老

傳八思巴者土番人生七歲誦經典數十萬言能通大義國人稱曰神童年十有五謁世祖潛邸卽位尊爲國師命製蒙古新字字僅千餘凡四十一母頒行天下今後藏薩迦有刺麻卽元帝師後人爲紅教之宗其明洪武初太祖以西番地曠人悍欲

徵先娶妻生子有後則不入室始登法座

明洪武初太祖以西番地曠人悍欲

納其勢而分其力故凡元代法王國師後人來朝貢者輒因其故俗許

其世襲以化廣俗尊中國永樂初成祖則兼崇其教聞西僧哈立麻有

道術國人稱曰尙師遣使迎至京師爲高帝后薦福於靈國寺有卿雲

甘露青鳥白象之祥封大寶法王西天大善自在佛其徒三人皆封國

師其後又封大乘大慈二法王禮之亞於大寶於是其徒爭來朝貢輻輳京師所封有闡化闡教輔教護教贊善五王又授西天佛子者二灌頂大國師者九灌頂國師者十有八法王等死其徒輒自相承襲歲一朝貢略與土司相等嗜茶貪貢市真保世職故終明世無西番患然皆紅教非黃教其黃教宗祖則創於宗喀巴一名羅卜_{藏札克巴}以永樂十五年生於西寧衛得道於西藏之甘丹寺成化十四年示寂初明代諸法王皆賜紅綺禪衣本印度袈裟舊式也其後紅教專持密咒流弊至以吞刀吐火炫俗無異師巫盡失戒定慧宗旨喀巴初習紅教既而深觀時數當改立教卽會衆自黃其衣冠遺囑二大弟子世世以呼畢勒罕轉生演大乘教呼畢勒罕者華言化身也二弟子一曰達賴刺麻一曰班禪刺麻刺麻者華言無上也其班禪刺麻又稱曰額爾德尼華言光顯也相傳達賴爲觀音分體之光班禪爲金剛化身在印度已轉生數

十世其說不可得詳云

皆死而不失其通自知所往生其弟子輒迎而立之常在

輪回本性不昧故達賴班禪易世互相爲師教其旨重見性度生斥聲聞小乘及幻術下乘當明中葉已遠出紅教上未嘗受封於中國中國亦莫之知也達賴一世曰敦根珠巴者卽贊普之裔世爲番王至是舍位出家改名羅倫嘉穆錯嗣宗喀巴法傳衣鉢始以法王兼藏王事其二世曰根敦嘉穆錯者自置第巴等代理兵刑賦稅其弟子稱胡土克圖則分掌教化當明正德時始以活佛聞於中國武宗遣中使率將校十人士千人迎之達賴不願行國人匿之將士欲威以兵爲番人所敗遁還而武宗崩世宗立果盡斥遺番僧繼又崇道教不信佛人始以達賴之不欲行爲有前知焉三世曰鎖南嘉穆錯明史所稱鎖南堅錯也名益著青海河套諸蒙古罔不嚮服順義王俺答躬入藏廻至青海建

仲華寺奉之大會諸部飲長生水鎖南堅錯戒其好殺勸令東還而俺答亦勸其通中國乃自甘州遺大學士張居正書自稱釋迦牟尼比鄰中國始知有活佛其人實得禪定慈忍淵默雖具他心宿命通而不自耀於是紅教中大寶大乘諸法王亦皆俯首稱弟子改從黃教化行諸部東西數萬里熬茶膜拜視若天神諸番王徒擁虛位不復能施其號令傳至第四世曰雲丹嘉穆錯生蒙古圖古隆汗族十四歲入藏坐牀二十八歲示寂故事蹟不著然河套青海蒙古守其戒不敢鈔掠西邊安枕五十餘年第五世曰羅卜藏嘉穆錯當我太宗文皇帝崇德二年喀爾喀三汗奏請發帑使延達賴刺麻四年因厄魯特使貽達賴書於是達賴班禪及藏巴汗青海固始汗聞我朝興東土各報使繞塞外數萬里以崇德七年至盛京奉書及方物約共行善事并獻

卦驗知必當一統明年遣使存問達賴班禪稱爲金剛大士是爲我朝通西藏之始順治初天下混一達賴班禪及固始汗復各遣使獻金佛念珠表頌功德 詔賚甲冑弓矢皮幣并遣使迓達賴九年冬至京師 世祖賓之於太和殿建西黃寺居之及行餞之南苑德壽寺授金冊印封西天大善自在佛領天下釋教普通鄂濟達賴刺麻命和碩親王碩塞以八旗兵送之初唐古特有四部東曰喀木曰青海西曰衛曰藏固始汗者本厄魯特部於明季吞并東二部以青海地廣令子孫游牧而喀木輸其賦其衛地則第巴奉達賴居之藏地則藏巴汗居之第巴桑結者與藏巴汗不相能謂拉藏虐部衆毀黃教乞師於固始汗翦滅之以其地居班禪與達賴分主三藏盡逐紅帽花帽諸法王事在崇德十年於是紅教益微并不足爲黃教之勞顧第巴桑結

實傾險既滅藏巴事多專決吳三桂王雲南歲遣人至藏煎茶康熙十三年三桂反 詔青海蒙古兵由松潘入川第巴使達賴上書尼之且代三桂乞降及大兵圍吳世璠於雲南世璠通書西藏割中甸維西二地求援於青海其書亦爲我軍所獲 朝廷不之間也二十一年第五世達賴卒第巴欲專國事秘不發喪僞言達賴入定居高閣不見人凡事傳達賴命行之自是益橫既袒準噶爾以殘喀爾喀蒙古復唆準噶爾以圖中國又外構策妄內鬭拉藏汗遂招準兵寇藏之禍凡西北擾攘數十年皆第巴一人所致噶爾丹者亦四厄魯特之一曾入藏爲刺麻與第巴相暱歸篡其汗自言受達賴封爲準噶爾博碩克圖汗又喀爾喀蒙古自國初以入藏隔於厄魯特乃自奉宗喀巴第三弟子哲卜尊丹巴之後身爲大胡土克圖位與班禪相亞凡數十年矣至是

喀部車臣汗與土謝圖汗交惡構兵

聖祖遣使約達賴和解之

第巴奏使噶爾丹西勒圖往蒙古謂刺麻坐牀者爲西勒圖蓋達賴大弟子也而喀部哲卜尊丹巴亦奉

詔在盟壇與西勒圖並坐噶爾

丹使其族人隨之觀覽因責喀部待達賴使無加禮詆責之爲土謝圖汗所殺噶爾丹遂以報讐爲名襲侵其部喀爾喀東走

聖祖申

命達賴遣使罷兵第巴使濟隆胡土克圖往反陰嗾之二十九年遂入寇漠南我兵敗之烏闌布通噶爾丹託濟隆代乞和頃佛立誓而遁第巴內慚乃託達賴意合青海蒙古及厄魯特各台吉上尊號

聖

祖不受屢遣京師刺麻入藏探之歸言第巴桑結使已遙望禮拜有刺麻立高樓之上絳紗之中香烟繚繞觀不分明三十三年達賴刺麻入貢言已年邁國事決第巴乞錫之封爵

詔封第巴桑結爲土伯

特國王三十五年

聖祖親征噶爾丹至克魯倫河噶爾丹敗竄

慰其部下曰此行非我意乃達賴刺麻使言南征大吉是以深入也

上謂達賴存必無是事乃遣使賜第巴桑結書曰朕詢之降番皆
言達賴刺麻脫繙久矣爾至今匿不奏聞且達賴刺麻存日塞外無事
者六十餘年爾乃屢唆噶爾丹興戎樂禍道法安在達賴班禪分主教
化向來相代持世達賴如果厭世當告諸護法主以班禪主宗喀巴之
教乃使衆不尊班禪而尊已又阻班禪進京之行朕欲和解喀準兩部
爾乃使有虧行之濟隆以往烏闌布通之役爲賊軍卜日誦經張蓋山
上觀戰勝則獻帕不勝又代爲講歎以誤我追師累爾袒庇噶爾丹之
由今爲殄滅準夷告捷禮以噶爾丹佩刀一及其妻阿奴之佛像一佩
符一遣使齎往可令與達賴相見令班禪來京執濟隆以畀我如其不

然朕且檄雲南四川陝西之師見汝城下汝其糾合四厄魯特之人以待其毋悔第巴桑結惶恐明年密奏彙爲衆生不幸第五世達賴刺麻於壬戌年示寂轉生靜體今十五歲矣前恐唐古特民人生變故未發喪今當以丑年十月二十五日出定坐牀求

大皇帝勿宣泄

西藏

不紀天干惟以地支所屬紀年亦以十二月爲一歲以寅爲正月仍有閏月但與中國閏不同如雍正十年王子閏五月其地閏正月雍正十三年乙卯閏四月其地于甲寅年閏七月更有閏日而無小建假如閏初二則初一日後卽初二日無初二矣每月必有初一十五三十而閏日則但于其中間摘去一二日耳至班禪因未出痘不敢至京濟隆當竭力致之京師乞全其身命戒體並封進達賴臨終牀簷尸鹽拌像

上許爲秘之待十月宣示內外而

第巴使者歸途遇策妄那布坦會擒噶爾丹之兵復宣言達賴已厭世爾部落兵毋得妄行策妄哭而歸

上以第巴始終反覆持兩端

乃追還其使傳集各蒙古宣示密封則像首已墮第巴使驚仆于地第

巴忌策妄盡收準部故地致噶爾丹無歸奏防其猖獗而策妄亦奏第
巴奸誘及所立新達賴之僞似藉詞侵藏 上以二人皆臣測不

之許也

策妄疏曰藏中舊例以能掌教者傳之掌教自宗門以來普通菩薩海潮大士無不如是達賴圓寂之後第巴匿之不宣舍正傳之聖徒班禪而自尊其

身別奉紅教刺嘛謂卽達賴化身詐傳法旨擾亂諸部此青海諸台吉所共知請明止其罪云云案普通乃前輩達賴之別號海潮乃前輩班禪之號也四十
四年第巴謀毒拉藏汗不遂欲以兵逐之拉藏汗集衆討誅第巴

詔封拉藏翊法恭順汗拉藏汗者青海固始汗之孫也固始汗旣以衛藏爲達賴班禪香火地留其長子鄂齊爾汗轄其衆次子達賚巴圖爾
台吉佐之固始汗卒於順治十二年鄂齊爾汗卒於康熙九年達賚汗
卒於三十六年拉藏汗嗣爵後以議立新達賴刺嘛故與第巴交惡至
是奏廢第巴所立假達賴 詔執獻京師行至青海病死卽方略所布坦遣使爭迎之云策妄那而拉藏不遇者也而藏中所立博克達山之伊西嘉穆頡爲第六世達賴

刺麻者青海諸蒙古復不信之而別奉裏塘之噶爾藏嘉穆錯爲真達
賴以康熙二十二年轉生二歲著靈異至是廿歲矣諸蒙古迎至青海
坐牀請賜冊印與藏中所奏互相是非

上恐其構釁

詔暫

居西寧紅山寺旋移塔爾寺塔爾寺者西寧衛城西南四十里之塔山
宗喀巴瘞胞衣地黃教祖寺也青海周數百里十三峯環遶之海中有
二島人迹不至卽唐時所謂龍駒島番僧習禪定者於冰合時裹一歲糧休焉往
往出異僧故青海佛法與西藏相亞兩部爭議未決而策妄漫藏之事
起初策妄那布坦取拉藏之姊而贅其子丹衷於伊犁不令歸

上以厄魯特狃詐

勅拉藏母恃親疏防拉藏耄而酗飲不以爲意

布達拉西北三百里有騰格里海

蒙古語謂天曰騰格里猶言天河也蒙古謂池泊海子皆曰淖爾或作賴爾或作那爾域

作諾爾或作贍爾皆海子之謂

西接後藏周數千里其北岸大山橫亘爲準夷入藏必由

之路有鐵索橋天險一夫拒隘萬衆趨之更無旁徑拉藏亦不之守也
五十五年十月策妄果遣台吉大策零敦多布領精兵六千徒步繞戈
壁逾和闐南大雪山涉險冒瘴晝伏夜行次年七月始達藏界以送丹
衷夫婦歸藏爲名由臘格里突入敗唐古特兵圍攻布達拉誘其衆內
應開門殺拉藏汗虜其妻子搜各廟重器送伊犁禁新達賴刺麻於札
克布里廟 詔西安將軍額倫特以軍數千赴援而侍衛色稜宣諭

青海蒙古備兵七月師逾木魯河

蒙古曰木魯烏蘇華語曰通天河乃西寧西藏之界也

色稜車拜都

嶺額倫特軍出庫賽領賊佯敗屢却而精兵伏喀喇河以待額倫特率
所部疾趨欲先渡河扼我前而分兵潛出我後截餉道相持月餘糧盡
矢竭九月我師覆焉賊氣益熾青海蒙古皆憚進藏奏言達賴刺麻可

隨地安禪免 王師遠涉之勞而王大臣懲前敗亦皆言藏地險遠不
決進兵議 上以西藏屏蔽青海滇蜀苟準夷盜據將邊無寧日

且賊能衝雲縫險而至何況我軍五十七年

命皇十四子爲撫遠

大將軍屯青海之木魯河治兵饟將軍傅爾丹富寧安分出巴里坤阿
爾台以獵其北將軍噶爾弼出四川將軍延信出青海兩路擣藏至是

西藏諸土伯特亦知青海呼畢勒罕之真藏中所舊立之贗合詞請於

朝乞擁置禪榻

詔許給冊印於是蒙古汗王貝勒台吉各自率

所部兵或數千或數百千五十九年春隨大兵扈從達賴刺麻入藏軍
容甚盛策零敦多布由中路自拒青海軍而分遣其宰桑以兵三千六
百拒南路南路將軍噶爾弼招撫巴塘裏塘番衆進至察木多奪洛隆
宗三巴橋之險旋奉大將軍檄俟期並進噶爾弼恣期久糧匱用副將

岳鍾琪以番攻番之計招土司爲前驅集皮船渡河直趨西藏降番兵七千分兵塞險扼賊餉道而青海軍亦三敗其中途劫營之賊斬俘千計厄魯特進退受敵遂大潰不敢歸藏卽由舊路北竄崎嶇凍餒得還伊犁者不及半 詔加封宏法覺衆第六世達賴刺麻於九月登座取拉藏所立博克達刺麻歸 京師盡誅厄魯特刺麻之助逆者留蒙古兵二千以拉藏舊臣貝子康濟鼐掌前藏台吉頗羅鼐掌後藏

御製平定西藏碑文勒石大招寺蓋自第五世達賴卒後三十餘年兩立假刺麻西齋倣擾至是始定焉論者謂達摩創法震旦有一花五葉之識至六世界以衣鉢啓爭故六祖不復傳衣鉢與宗喀巴至第六世達賴之事若一轍物盛難繼始必有終天數所極佛法不能違而况人事歟